

BÒRD NA GÀIDHLIG

ACHD ATH-LEASACHADH NAN SEIRBHEISEAN POBLACH (ALBA) 2010 AITHRIS AIRSON 2024/25

Fo Achd Ath-leasachaidh nan Seirbheisean Poblach (Alba) 2010, tha againn, còmhla ri buidhnean poblach eile ann an Alba, ri aithrisean poblach fhoillseachadh a thaobh na chosg sinn anns na raointean a leanas:

1. Dàimhean poblach
2. Siubhal thall thairis
3. Aoigheachd agus fèistean
4. Seirbheisean comhairleachaidh bhon taobh a-muigh

A bharrachd air seo, fon Achd, feumaidh buidhnean poblach fiosrachadh fhoillseachadh mu na leanas:

5. Pàighidhean le luach nas àirde na £25,000
6. Luchd-obrach/buill a gheibh pàigheadh nas àirde na £150,000.

A bharrachd air seo, fon Achd, feumaidh buidhnean poblach aithris fhoillseachadh air na ceuman a ghabh iad anns a' bhliadhna ionmhais sin gus:

7. Cur ri agus a bhith a' brosnachadh fàs seasmhach tro chur an gnìomh nan dleastanasan aca.
8. Cur ri èifeachdas, tàbhachd agus caomhantachd ann an cur an gnìomh nan dleastanasan aca.

Mu ar deidhinn

'S e buidheann phoblach neo-roinneil ghnìomhach a th' ann am Bòrd na Gàidhlig a tha cunntachail tro Mhinistearan do Phàrlamaid na h-Alba.

Air a stèidheachadh fo Achd na Gàidhlig (Alba) 2005 (An Achd) 's e Bòrd na Gàidhlig a' phrìomh bhuidheann ann an Alba le uallach gus leasachaidhean Gàidhlig a chur air adhart agus gus comhairle a thoirt do Mhinistearan na h-Alba mu chùisean Gàidhlig.

Fon Achd, tha na dleastanasan farsaing a leanas air a' Bhòrd —

(a) a' brosnachadh agus a' cur an comas —

- (i) cleachdadh agus tuigse na Gàidhlig, agus
- (ii) foghlam agus cultar na Gàidhlig,

(b) a' toirt comhairle (an dara cuid nuair a thèid seo iarraidh no nuair a chì e ìomchaidh) do Mhinistearan na h-Alba, buidhnean poblach agus daoine eile a tha a' toirt seachad dleastanasan poblach air cùisean a' buntainn ri Gàidhlig, foghlam Gàidhlig agus cultar na Gàidhlig,

(c) a' toirt comhairle (nuair a thèid seo iarraidh) do dhaoine eile mu chùisean a' buntainn ris a' Ghàidhlig, foghlam Gàidhlig agus cultar na Gàidhlig,

(d) a' cumail sùil air, agus ag aithris do Mhinistearan na h-Alba air buileachadh Cairt Eòrpach nam Mion-chànan leis a' cheann-latha 5 Samhain 1992 a thaobh na Gàidhlig.

Gheibhear làn fhiosrachadh air gnìomhan Bhòrd na Gàidhlig anns an aithisg bhliadhnail agus cunntasan againn:

[Poileasaidhean & Foillseachaidhean – Bòrd na Gàidhlig](#) .

1. Dàimhean poblach

Mineachadh

Tha an aithris air na chaidh a chosg air dàimh phoblach a' gabhail a-steach an caiteachas iomlan airson conaltraidhean a-muigh air fad ann an 2024/25, cuide ris na cosgaisean airson luchd-obrach taobh a-staigh na buidhne agus luchd-obrach le cùmhnant agus comhairlichean. Tha seo a' gabhail a-steach margaidheachd, iomairtean PR, dàimh ris na meadhanan, rannsachadh agus luachadh margaidheachd, iomhaigheachd agus dealbhadh, tachartasan margaidheachd, tachartasan air an taobh a-muigh, co-labhairtean is taisbeanaidhean, conaltradh eadar buidhnean, taic maoineachaidh, stuthan foillsichte agus clò-bhualadh, conaltraidhean didseatach, agus sanasachd agus planadh airson nam meadhanan.

Sa bhliadhna mu dheireadh a thàinig gu crìch air 31 Màrt 2025 bha caiteachas luach £ 85,125.49 air Bòrd na Gàidhlig airson dàimh phoblach.

2. Siubhal thall thairis

Mineachadh

Tha an aithris air na chaidh a chosg air siubhal thall thairis a' gabhail a-steach siubhal gu ruige agus air falbh bhon Rìoghachd Aonaichte; tha e cuideachd a' gabhail a-steach cosgais air taighean-òsta, cìsean co-labhairt, na thèid a chosg air siubhal agus biadh fhad 's a tha an neach thall thairis agus cosgaise sam bith eile a tha co-cheangailte ris an turas.

Sa bhliadhna a chrìochnaich air 31 Màrt 2025, bha caiteachas luach £0.00 air Bòrd na Gàidhlig airson siubhal thall thairis.

3. Aoigheachd agus fèistean

Mineachadh

Tha an aithris air cosg air aoigheachd agus fèistean a' gabhail a-steach gin sam bith de na leanas: tìodhlacan, cuireadh gu biadh, pàrtaidhean, cuirmean fàilte, tiogaidean airson no cuiridhean gu tachartasan poblach, spòrsa, no cultarach no tachartasan eile no buannachdan coltach ri sin air an toirt le buidheann phoblach do a cuid buill no a luchd-obrach no do dhaoine taobh a-muigh na buidhne, air adhbhar sam bith.

Sa bhliadhna a chrìochnaich air 31 Màrt 2025 bha caiteachas luach £68.60 aig Bòrd na Gàidhlig air aoigheachd agus fèistean.

4. Seirbheisean comhairleachaidh bhon taobh a-muigh

Mineachadh

Tha an aithris air na chaidh a chosg air co-chomhairleachaidh bhon taobh a-muigh a' gabhail a-steach roinn fharsaing de sheirbheisean proifeiseanta a leithid co-chomhairle air stiùireadh, air IT, air cùisean ionmhasail, co-chomhairle air cùisean a' buntainn ri togail no bun-structar, trèanadh rannsachadh agus luachadh agus a' dealbh phoileasaidhean (a' gabhail a-steach sgrùdaidhean comasachd). Chan eil seirbheisean co-chomhairleachaidh bhon taobh a-muigh a' gabhail a-steach sheirbheisean speisealach leithid comhairle laghail agus seirbheisean riochdachaidh no trusadh luchd-obrach.

Sa bhliadhna a chrìochnaich air 31 Màrt 2025 bha caiteachas luach £40,906.84 aig Bòrd na Gàidhlig air seirbheisean comhairleachaidh bhon taobh a-muigh.

5. Pàighidhean le luach nas àirde na £25,000

Ceann-latha	Pàigheadh gu	Cuspair	Suim £
30/04/2024	Comunn na Gàidhlig	Cuibheann de Ghrant Leasachaidh	85,000.00
24/05/2024	Comunn na Gàidhlig	Cuibhreann de Ghrant Leasachaidh	250,000.00
24/05/2024	Fèisean nan Gàidheal	Cuibhreann de Ghrant Leasachaidh	115,000.00
24/05/2024	An Comunn Gàidhealach	Cuibhreann de Ghrant Leasachaidh	45,250.00
24/05/2024	Theatre gu Leòr	Cuibhreann de Ghrant Leasachaidh	31,000.00
31/05/2024	Comhairle na Leabhraichean	Cuibhreann de Ghrant Leasachaidh	96,575.00
31/05/2024	Ceòlas Uibhist	Cuibhreann de Ghrant Leasachaidh	40,000.00
31/05/2024	Ionad Chaluim Chille Ìle	Cuibhreann de Ghrant Leasachaidh	25,000.00
07/06/2024	Stòrlann Nàiseanta na Gàidhlig	Cuibhreann de Ghrant Leasachaidh	75,000.00
21/06/2024	Faclair na Gàidhlig	Cuibhreann de Ghrant Leasachaidh	41,170.00
31/07/2024	Comunn na Gàidhlig	Cuibhreann de Ghrant Leasachaidh	250,000.00
09/08/2024	Ionad Chaluim Chille Ìle	Cuibhreann de Ghrant Leasachaidh	25,000.00
06/09/2024	Stòrlann Nàiseanta na Gàidhlig	Cuibhreann de Ghrant Leasachaidh	75,000.00
20/09/2024	Hands up 4 Trad	Cuibhreann de Ghrant Leasachaidh	30,000.00
20/09/2024	Am Comunn Gàidhealach	Cuibhreann de Ghrant Leasachaidh	44,000.00
25/10/2024	Comunn na Gàidhlig	Cuibhreann de Ghrant Leasachaidh	250,000.00
15/11/2024	Fèisean na Gàidheal	Cuibhreann de Ghrant Leasachaidh	115,000.00
15/11/2024	Comhairle nan Leabhraichean	Cuibhreann de Ghrant Leasachaidh	96,575.00
15/11/2024	Theatre gu Leòr	Cuibhreann de Ghrant Leasachaidh	31,000.00
29/11/2024	Ceòlas Uibhist	Cuibhreann de Ghrant Leasachaidh	40,000.00
29/11/2024	Faclair na Gàidhlig	Cuibhreann de Ghrant Leasachaidh	41,170.00
06/12/2024	Ionad Chaluim Chille Ìle	Cuibhreann de Ghrant Leasachaidh	25,000.00
13/12/2024	Stòrlann Nàiseanta na Gàidhlig	Cuibhreann de Ghrant Leasachaidh	75,000.00
10/01/2025	Comhairle na Gàidhealtachd	Cuibhreann de Ghrant Leasachaidh	52,000.00
24/01/2025	Comunn na Gàidhlig	Cuibhreann de Ghrant Leasachaidh	170,000.00
24/01/2025	An Comunn Gàidhealach	Cuibhreann de Ghrant Leasachaidh	44,000.00
28/02/2025	Stòrlann Nàiseanta na Gàidhlig	Cuibhreann de Ghrant Leasachaidh	75,000.00
28/02/2025	Ionad Chaluim Chille Ìle	Cuibhreann de Ghrant Leasachaidh	25,000.00
14/03/2025	Oilthigh Ghlaschu	Cuibhreann de Ghrant Leasachaidh	45,000.00
14/03/2025	Comhairle Ghlaschu	Cuibhreann de Ghrant Leasachaidh	34,000.00
19/03/2025	Comhairle nan Eilean Siar	Cuibhreann de Ghrant Leasachaidh	46,250.00

6. Luchd-obrach/buill a gheibh pàigheadh nas àirde na £150,000

Sa bliadhna a chrìochnaich air 31 Màrt 2025 cha d' fhuair neach-obrach no ball sam bith aig Bòrd na Gàidhlig tuarastal nas àirde na £150,000.

7. A' brosnachadh fàs seasmhach

Ged nach eil Riaghaltas na h-Alba air targaidean co-cheangailte ris an àrainneachd a stèidheachadh do Bhòrd na Gàidhlig fhathast, tha sinn a' cur suim mhòr ann an cùisean àrainneachd agus bidh sinn a' cur mhodhan-obrach an sàs a tha math don àrainneachd nuair as urrainn dhuinn. Nì sinn gach oidhirp gus

obrachadh ann an dòigh sheasmhach a thaobh na h-àrainneachd agus brosnachidh sinn daoine, nar n-obair, gu bhith gan giùlan fhèin ann an dòigh a tha math don àrainneachd.

Tha ceuman a thèid a ghabhail gus lorg àrainneachd a' Bhùird a lughdachadh a' gabhail a-steach gluasad gu coinneamhan gun phàipear tro bhith a' cleachdadh tablaidean, a' cleachdadh fòn no co-labhairt bhidio far an gabh sin dèanamh, agus a' lughdachadh siubhal luchd-obrach agus buill a' Bhùird.

Bidh am Frèam-obrach Coileanaidh Nàiseanta a' tomhas agus a' clàradh mar a tha Alba a' coileanadh a rèir adhbhar agus amasan ro-innleachdail Riaghaltas na h-Alba. Tha 11 builean nàiseanta anns an Fhrèam-obrach Coileanaidh Nàiseanta a tha a' cur an cèill na tha an Riaghaltas airson coileanadh.

Tha co-thaobhadh ris na h-Amasan Nàiseanta a' cuideachadh le bhith a' dèanamh cinnteach gu bheil fòcas aig buidhnean riaghaltais agus tha iad a' toirt seachad structar soilleir airson lìbhrigeadh. Ged a tha an obair againn a' cur gu ìre ris na builean sin uile, bidh Bòrd na Gàidhlig a' sgrùdadh ar coileanadh a thaobh seachd dhiubh.

8. Èifeachdas, tàbhachd agus caomhantachd

Tha Bòrd na Gàidhlig daonnan a' feuchainn ri chothroman a chomharrachadh gus cur ri èifeachdas, cosgaisean isleachadh agus càileachd seirbheis adhartachadh. Feumaidh e dèanamh cinnteach gu bheil cosgaisean taobh a-staigh maoineachadh a tha ri fhaighinn, gu sònraichte an Tabhartas gus Cuideachaidh bho Riaghaltas na h-Alba.

Bithear daonnan a' sireadh leasachaidhean ann an èifeachdas agus tàbhachd anns gach raon de dh'obair a' Bhùird. Tha prìomh oifis a' Bhùird aig Taigh a' Ghlinne Mhòir, Rathad na Leacainn, Inbhir Nis. Tha an oifis seo againn air stèidh cho-roinnte le Nature Scot. Tha cuid de thogalaichean eile air a tha gan cleachdadh le luchd-obrach a' Bhùird air an cleachdadh san an dòigh cuideachd. Tha an rèiteachadh seo gus cosgaisean a shàbhaladh air a bhith ann bho 2012. Tha an spàs a tha sinn a' cleachdadh air a chumail aig an ìre as ìsle 's a ghabhas agus tha 'deasgaichean-teth' air an cleachdadh gus taic a chumail ris an amas seo.